

§ 14. ԱՐԽԱՅԻԿ ԴԱՐԱՇՐՋԱՆԻ ՀՈՒՆԱՍՏԱՆԸ

1

Թե՛ն հողագործը, թե՛ անասնապահը կարիք ունեին աշխատանքի ավելի հարմար գործիքների: Առանձնանում էր մարդկանց մի խավ՝ արհեստավորները, որոնք մասնագիտացան աշխատանքային գործիքներ, ամանեղեն, հագուստ պատրաստելու գործում: Մարդկանց մեկ այլ խավ՝ առևտրականները, զբաղվում էին արհեստավորների արտադրած ապրանքները հեռու շրջաններ տանելով և մթերքի հետ փոխանակելով: Արհեստները և առևտուրը դարձան տնտեսության առանձին ճյուղ: Մարդիկ սկսեցին բարիքներ արտադրել ոչ միայն իրենց կարիքների, այլև շուկայում վաճառելու համար:

α	β	γ	δ	ε	ζ	η	θ
ալֆա	բետա	գամմա	դելտա	էփսիլոն	զետա	էտա	թետա
ι	κ	λ	μ	ν	ξ	ο	π
յոտա	կապպա	լամբդա	մյու	նյու	քսի	օմիկրոն	պի
ρ	σ	τ	υ	φ	χ	ψ	ω
ռո	սիգմա	տաու	ուփսիլոն	ֆի	խի	փսի	օմեգա

2

Հին հույները, օրինակ վերցնելով փյունիկեցիների տառերը, ստեղծեցին 24 տառից բաղկացած իրենց այբուբենը: Փոխեցին նաև գրության ուղղությունը և սկսեցին գրել ձախից աջ:

Հունական այբուբենի հիման վրա հետագայում ստեղծվել են սլավոնական լեզուներով խոսող շատ ժողովուրդների այբուբենները՝ ռուսական, ուկրաինական, բուլղարական, բելոռուսական և այլն: